

四庫全書

史部

欽定四庫全書

史部
無錫縣志卷二

詳校官編修_臣曹振鏞

檢討_臣德生覆勘

總校官降調編修_臣倉聖脉

校對官編修_臣羅修源

謄錄監生_臣胡紀勲

欽定四庫全書

史部十一

無錫縣志

地理類三

都會郡縣之屬

提要

臣等謹案無錫縣志四卷不著撰人名氏考千頃堂書目有元王仁輔無錫縣志二十八卷與此本卷數不符蓋別一書也考明史地理志洪武二年四月始改無錫州為縣是志古今郡縣表末雖止於陞無錫縣為州然標

題實稱為無錫縣已為明初之制又邵縣表
止元貞而學校類中已載至正辛巳鄉舉陸
以衡則所紀已逮元末是洪武中書矣第一
卷為邑里第二卷為山川第三卷為事物分
上下二子卷第四卷為詞章亦分上中下三
子卷中又分小類二十一詞簡而事該亦地
志之善本惜首卷原序已佚其撰次本末不
可得而考也元史地里志稱成宗元貞二年

陞無錫為州此志乃云二年作志者紀錄時
事歲月必確以是推之知元史疎漏多矣是
亦書貴舊本之一驗也乾隆四十六年十一
月恭校上

總纂官

臣紀昀

臣陸錫熊

臣孫士毅

總校官

臣

陸

費

墀

欽定四庫全書

無錫縣志卷一

邑里第一

古者封建諸侯錫以爵土分布九州秦漢縣邑天下古
法遂廢唐置十道宋設十五路元併為十一省縣統於
路路統於省無錫為邑歷世雖久文獻尚存而所損益
猶可考見故歷叙縣邑廢置地里廣狹城池高深作邑
里第一

古今郡縣表一之一

卷一

按史漢書無錫禹貢揚州之北境在天官星紀為斗牛女之分而無錫實當女之辰於古為荒服自周太王長子太伯以其弟季歷賢而有聖子昌因知太王欲立季歷以及昌於是太伯與仲雍奔荆蠻文身斷髮以避季歷季歷立是為王季昌繼立是為文王於是太伯處荆蠻自號句吳荆蠻義之從者千餘家立為吳太伯太伯遭殷之末中國侯王數用兵恐及於荆蠻起城周三里

二百步外郭三百餘里在吳之西北隅名曰故吳墟即
今無錫梅里之太伯城是也周武王克商求太伯仲雍
之後得周章周章已君吳因而封之至春秋魯成公七
年晉使行人于吳吳于是始大通吳于上國自襄公時
會中國之諸侯矣周敬王六年闔閭用伍子胥之謀伐
楚入郢師還始城姑蘇而遷都焉魯哀公二十年越滅
吳無錫自是歸于越周顯王三十五年楚滅越則無錫
隨以屬楚楚考烈王元年以黃歇為相封為春申君賜

淮北路十二縣後十五歲黃歇言之楚王曰淮北地邊
齊其事急請以為郡便因併獻淮北十二縣請封于江
東考烈王許之春申君因城故吳墟以自為都邑秦併
天下置三十六郡以其地屬會稽郡前漢因之陸羽惠
山寺記云惠山當秦時大產鉛錫至漢興錫方殫故舛
無錫縣是無錫為縣自前漢始王莽世錫復出改曰有
錫縣漢中興錫止仍復舊名東漢光武時始陞無錫為
侯國至順帝時分會稽置吳郡縣仍隸焉武帝時置刺

史部十三州以揚州領會稽郡晉明帝太康初平吳分天下為十九州既又分吳郡置毘陵其地仍為揚州之封域厥後以避東海王世子諱改毘陵為晉陵或治於丹徒或治於京口又僑置南蘭陵郡於武進郡雖遷革不一而縣邑如故陳後主禎明二年又改無錫縣為吳州隋高祖罷天下郡為州以統縣煬帝復置郡罷州而縣如故最後於常熟置州遂名常州尋復故縣隸毘陵郡唐太宗貞觀初分天下為十道尋增改為十五道縣

無所更易代宗大歷中陞無錫為望縣至僖宗朝竊據
不常郡縣每陷於僭逆宋太祖平五代之亂至太宗初
分天下為十五路而常隸兩浙路縣因屬焉元一海宇
縣歸版圖置十一省以常屬江浙省元貞間陞天下大
縣為州而無錫以民齒之夥遂得為中州云

歷代

州

國

郡

縣

唐

揚州

虞

揚州

夏殷

揚州

揚州

始號句吳

史記太伯奔荆蠻自號句吳

周

揚州

吳

史記武王克商求太伯仲雍之後得周章周章已居吳因而封之毘陵志云吳章少子繼封為安陽侯其地在無錫縣安陽山下

敬王六年

丁亥

吳

王闔閭元年始城姑蘇而遷都焉

元王元年

乙丑

越

王勾踐王二年為吳王夫差之九年實春秋魯哀三十四年越滅吳吳子越

顯王三十五年

丁亥

赧王五十二年

己亥

秦

始皇二十五年

庚辰

前漢

高帝

楚

威王六年楚滅越
楚越王無疆要自是今

楚

考烈王元年

置會稽郡

是年兼併天下分天下
為三十六郡以會稽為
稽郡

置無錫縣

按唐陸羽

山記云是山當周秦間大
產鉛錫至漢興錫方殫
遂創無錫縣

春申君黃歇封江
東因城故吳墟以
自為都邑

六年庚子

十二年丙午

景帝前年戊子

武帝

元封元年

辛未

五年乙亥

揚州

初置刺史部十
三州以會稽郡
屬揚州

荊國

史記荆世家謂六
年廢楚王分其地
為二國以東陽鄢郢吳
鄢至十二城封劉賈為荆
國

吳國

史記荆世家十
年立沛侯濞為王
傳上惠會稽縣濞無
壯王鍾之乃立濞

江都國

史記孝景前
二年用皇子為
汝南王吳楚反王卬
擊吳吳破二虜徙為
江都王卒子建立

國除

以無錫縣封東越
將軍多為侯國

新室
王莽

東漢

光武

順帝永建年
己巳

魏

文帝黃初年

辛丑
明年吳王權改
元黃武

明帝青龍年

甲寅

吳嘉禾二年

晉

以無錫為侯國

分會稽置吳郡

封孫權為吳郡

王

改無錫縣為有
錫縣至是錫
復出

復有錫縣為無
錫至是錫
累錫

省無錫縣初置
毘陵典農校尉

明帝太康年

庚子

二年
辛丑

懷帝永嘉五

年
辛未

宋

文帝元嘉年

辛未

陳

後主禎明年

戊申

隋

高祖

揚州
是年平吳分天下為十九州

置南徐州
是年初置南徐州治京口以晉陵郡及南關陵屬焉

初分吳郡置毘

陵郡

及毘陵郡為晉

陵郡

避東海王世子諱

復置無錫縣

陞縣為吳州尋
復舊縣

罷天下郡以州統
縣

開皇元年
己酉

煬帝大業三年
丁卯

恭帝義寧三年
戊寅

唐

高祖武德三年
己卯

三年
庚辰

六年
癸未

省南徐州

罷晉陵郡置常州
按是年晉陵郡置常州于常熟

改常州為毘陵郡
按是年罷州置郡毘陵郡仍置于常州

吳興郡沈法興據毘陵改郡為州

常州
尋又改為晉陵郡

李子通自稱帝取晉陵杜伏威得子通地尋歸歟封吳王

伏威歸國改毘陵郡為常州

常州陷于輔公祏

七年甲申

太宗貞觀元年

丁亥

丁亥

玄宗開元二年

癸酉

癸酉

天寶元年

壬午

壬午

肅宗至德二年

丙申

乾元元年

戊戌

代宗大歷二年

丁巳

欽定四庫全書

置江南道是年初分

天下為十道

分江南為東西道

常州屬東道是年增置

丁丑

置浙江西道節度使

平輔公祏復常州

改常州為晉陵郡是年改州為郡

晉陵郡改為常州是年復諸州名

陞無錫為望縣

無錫縣志

七

己未

德宗建中元年

庚申

憲宗元和二年

丁亥

武宗會昌年

甲子

僖宗光啓二年

丙午

三年
丁未

昭宗龍紀元年

己酉

合浙江東西道置
團練觀察使

分浙江東西為二
道常州屬西道

陞浙江西道都團
練觀察使為鎮海
軍節度使

陞常州為望州

正月鎮海軍將張

郁陷常州

四月武寧軍將丁

從實陷常州

杭州刺史錢鏐遣

杜稜陷常州

十月宣州觀察使楊

行密遣田頌等取

常州

大順元年
庚戌

二年
辛亥

景福元年
壬子

天復二年
壬戌

後晉

十月孫儒陷常
州

九月行密復常州
閏月儒復遣劉建
鋒陷常州

甘露鎮將陳可言
陷常州

行密復遣張訓
取常州

偽吳楊行密有
常州之地

五代史是
歲昭宗拜

行密東面諸道行營都
統封吳王行密卒子湛
立遷年弟隆演立改元
武義

高祖武德年
丁酉

後周

世宗顯德年
丙辰

宋

太祖開寶年

太宗雍熙年

丁亥

至道三年

丁酉

神宗熙寧七

年
甲寅

置兩浙路

是年初吳
下為十五路

五月初分兩浙東
西路以常州屬西
路九月詔母分路

偽唐李昇據江
南有常州之地

三月取常州
四月常州復入于
偽唐

常州平

詔常州屬江南道

九年

十年

高宗建炎元年
丁未

建炎四年
庚戌

少帝德祐元年

乙亥
元世祖至元
十三年

元

世祖至元五年

乙亥
至元十四年
丙子

詔復分兩浙為
二路

詔復合兩浙為
一路

以常州為沿江次
要郡

烏琳破常州而去

三月守臣王良臣
以常州降元尋復
之

常州平

置常州路總管府

咸寧元年
丙申

陞無錫縣為中州

風俗一之二

無錫為浙右名邑之冠當南北之衝會土地沃衍有湖山之勝泉水之秀商賈之繁集冠蓋之駢臻其民多聞習事故其習尚夸美然自三代以來承太伯之高蹤踵季子之遐躅其後才賢輩出孝義迭見猶足有可觀采其平原曠野盡為良田川澤足以資灌溉之利魚米足以益富羨之饒男耕女織生業是勤歲產之盛實登侯

封是以衣食足而禮義備民生敏於習文疎於用武蓋其性然耳凡風俗之可見者如此云

戶口一之三

按地志無錫縣戶口之數自晉宋至唐率統郡以計不得其詳舊稱縣之主客戶共一萬六千九百有一而主戶實二倍於客紹興初無錫之戶口始以縣計可考實二萬三千三百一十四戶一十萬五千六百二十一口南渡後復加以三分之一為戶三萬四千三百一十合

卷一
口一十三萬五千八百二十有七淳祐間詔計天下民
數無錫得三萬七千九百一十六戶二十三萬五百六
十八口元兵南下殘擄之餘十去其四既又大減於疫
存者僅十分而五厥後平治既久生聚日繁至元二十
七年天下郡縣上版籍無錫得戶七萬二百四十二上
之其數蓋已三倍於古常所統縣五戶口之羨皆有不
逮矣不既庶矣乎

貢賦一之四

禹別九州任土作貢其來尚矣無錫本為吳地在揚州之域田之下下厥賦下上上錯載在夏書驗之於今猶可徵也至其貢則未見焉舊云當周秦時錫山常產錫豈亦在揚貢惟金之內歟今錫則殫矣而貢亦隨泯焉厥草則圖經稱有蘋蘩之貢而今亦無矣考之唐書地理志止言常州之貢而無錫以貢名者不知果何物惟梗秫菽麥土地所宜自唐立二稅之法而無錫之賦至今不能變焉蓋夏以稅輸者二麥總一萬七百九十四

石秋以糧入者一十九萬二千二百一十石有奇以歲之豐凶羨餘不足而高下其數焉然大率不甚相遠也總以一縣之土計之得一萬五千八百六十頃三十八畝有奇而田居十分之九山水共得其一故貢賦之出莫不尚於勤農以為邦本雖易世不能變其他若瓜果桑麻蔬菜花卉因人而培植者不繫乎土產若夫禽蟲鳥獸魚鰕蚌蠃山林川澤之利在乎逐末者一時之所趨又不足以紀方物茲特著其產於土者為賦之常而

著為貢賦云爾

州境一之五

公侯之國皆方百里古之制也按後漢書地里志無錫侯國則知舊邑乃循古制自漢迄唐雖廢置不同而是邑封域之廣蓋未嘗變按今州在常州東南九十里外州之境內東西一百一十五里南北一百二十七里是為提封之境

四正之境

卷一
東六十五里入平江路常熟州宛山

西四十七里入晉陵縣五牧橋

南七十七里入平江路吳縣烏山

北五十里入江陰州陳溝

四隅之境

東南四十三里入平江路長洲縣烏角溪

西南五十一里入晉陵縣白石塘

東北七十四里入江陰州嶺村

西北五十里入晉陵縣五湖口

境內道路

出州南門迤邐望東南行過新安鎮至望亭烏角
溪口通吳橋與平江路長洲縣界驛道接從此
徑平江城為州之向南驛道

出州北門過高橋轉石塘灣迤邐望西北由洛社
市至五牧橋與晉陵縣界驛道接從此徑本路
城為州之向北驛道

出州北門望北行經五步塘過張塘橋歷長埕至
陳溝上馬鎮小橋與江陰州界路接為徑江陰
之驛道

出州西門從五里街西行經惠山前循山而北至
胡山下稍望西南過閭江橋至孤村與晉陵縣
界路接抵百瀆為入義興之路

出州東門東行越隆亭過張公橋從鴻山至甘露
與常熟州界接為入常熟之路

城關一之六

吳越春秋云太伯城周三里二百步外郭三百餘里在吳之西北隅名曰故吳墟南徐記云縣舊城基也舊城下築濠闊一丈五尺或云舊羅城周回四里三十七步子城周回一百三十步宋乾興初縣令李晉卿重築舊子城一百七十七步東接運河西距梁溪考吳越春秋所稱迺太伯之古城在今梅里南徐記所載即今之州城按今州城雖廢迹猶可見城有七門併叙如左

四正門

東為熙春門

徑常熟路

西為梁谿門

徑宜興路

南為陽春門

徑平江路
又名朝京

北為蓮蓉門

徑郡城路

三偏門

顧橋門

通南門下塘

新塘門

通南市橋在南
市橋西垵下

董家門

通南禪寺前

公署一之七

州縣設官舊矣自秦漢以來歷世相承因之不變雖井

邑廢置職官異稱據今證古損益可知姑舉其端以備
官紀若夫員置之數爵祿之等則有司存非志所載

無錫州

儒學

醫學

蒙古學

鎮守無錫管軍官

稅課司二處

在城

甘露

億豐倉

豐積庫

巡檢司四處

甘露

膠山

華藏

新安

站二處

新安

洛社

鋪一十四處

州前 在城內

南門 九里 東葑 新安

馬墓 已上在州城外南去通平江驛道上

五里亭 潘葑 石塘灣 洛社

五牧 已上在州城外北去通本郡驛道上

塘北 張塘 長堽 已上在州城外東北
通江陰路

鄉坊一之八

鄉黨之名見於禮經由來遠矣周制萬二千五百家為

鄉而鄉有大夫有士猶漢之縣也唐循秦漢之舊縣邑
天下高祖以百戶為里五里為鄉四家為鄰四鄰為都
在邑為坊在野為村宋神宗用王安石之策行保甲之
法以五家為小保五小保為一大保十大保為都都統
於鄉由是鄉保之名著稱於世今備錄如左而茲邑之
阨塞瞭然可見津梁所以通徒行者併附錄焉

城隅凡四

東南

南至顧橋門北至第六箭河東至弓河西至運河

東北

南至第六箭河北至蓮蓉門東至弓河西至運河

西南

南至陽春門北至水碓橋河東至運河西至新橋門南茅塲

西北

南至水碓橋河北至營河外北門下塘東至運河西至西溪

總坊

懷仁坊

即鎮巷在鳳光橋南轉東

天井巷

即通濟巷在鎮巷西

廣濟坊

即倉橋巷在中市橋東坑下

邵家巷

在稅務南

烈帝廟巷

在景雲坊北

景雲坊

即樊家巷莊巷相對

禮遜坊

即唐家巷在烈帝廟巷南

楊家巷

廟巷對

永興坊

即沙巷通廣濟坊元名潁興坊宋儒有三陳四沈居其中陳望潁川沈望吳興故以

名坊

菜園巷

在南禪寺前

董家巷

對邵巷

莊巷

樊家巷對

遺愛坊

即郝家巷因縣令郝漸居此故名在唐家巷南

泥巷

沙巷對

邊家巷

在莊巷南

張花木巷

在董家巷底

鳳仙巷

在董家橋南垞已上屬東南隅

玄文坊

在鳳光橋下

遵義坊

即樓巷在大市橋下

崇安坊

在崇安寺前

金墩巷

在樓巷內通金匱山故名

扒兒巷

即斜杞巷在樓巷內

崇安寺前矮巷通樓巷

資糕巷

在崇安坊南

雞鵝巷

在資糕巷南

戴墓巷

樓巷相對內有戴氏墓故名

都子巷

即福田巷通戴墓巷

東門泥巷

通戴墓巷

箬葉巷

即黃狗巷在東門裏

閭窰四郎君廟巷

在東門裏

朱知軍巷

在都子巷南

盛巷

韓脩橋下

楊家巷

在北門橋內

孫郎中巷

楊家巷南

道堂巷

孫郎中巷南已上屬東北隅

睦親坊

即新街巷在水塔橋南

思禪坊

中市橋西坑下即禪寺巷

三登坊 虹橋北坑下宋有三登倉在彼故名

卞家巷 通官街

吳打繩巷 通官街

新橋坊 即新橋門巷

泥巷 通官街

新街內小巷 通水碓河

女貞觀東巷 通新街巷

蕭都官巷 在茅子橋南

北禪寺前小巷 對寺

州學西巷 在學西

毛桃巷 在新街巷西

鎮基四郎君廟巷 通新街巷

鑄冶巷 在女貞觀西

繡座四郎君廟巷 在新橋門

斷頭巷 在卞家巷內
已上屬西南隅

狀元坊

在大市橋西說宋嘉定間蔣重珍擢大魁故立此坊

太平坊

在大市橋下

興仁坊

即沈家巷在大市橋西

營巷

在沈家巷內

開明坊

即明堂巷在大市橋西

古唐巷

通興仁坊

尿管

在拘欄前

健兒巷

明堂巷西

平政坊

在州前大街西

愛民坊

在州前大街東

和豐坊

即州巷對州治

迎溪坊

即石灰巷

崇義坊

在女貞觀巷口

魚腥巷

在迎溪橋東

館驛巷

在橋司側

城濠巷

即沈家巷東口

馮司法巷

古唐巷對

打繩巷

在北倉橋南

庵巷

在北倉橋北

泥巷

已上屬巷北隅

鄉二十有二

舊二十六鄉後併為二十五去震澤今復省其三曰茂苑開寶歸德統都六十

保五百八十有五詳見總村下

天授

在州東三里茂苑併入南至在城及景雲鄉界北興寧東交山興寧西萬安鄉界

興寧

在州北四十六里南天授北江陰州金鳳鄉東膠山西興道鄉界

興道

在州西北四十里南招義萬安北江陰州界東興寧西晉陵縣江陰州界

萬安

在州西二十五里南開元北招義東興道西布政鄉界

招義

在州西北四十里南萬安北興道東萬安西晉陵縣界

青城

在州西北五十里南神護北招義東招義鄉西晉陵縣界

神護

在州西北五十里元名神龍南布政北青城東布政西晉陵縣安上鄉界

富安

在州西北五十里元名永安震澤併入南晉陵縣界北神護東布政鄉西晉陵縣界

布政

在州西四十里南太湖北神護東開元西富安鄉界

開元

在州西二里南揚名北萬安東在城西布政鄉界

揚名

在州西南四十里南開元北在城東景雲西開元太湖界

開化

在州西南六十里南太湖

北揚名東新安鄉

新安

在州南五十里南太湖

北揚名東太伯西間

太伯

在州東七十里南長洲縣界

北景雲東垂慶

垂慶

在州東五十里元名垂拱

南太伯北延祥東

延祥

在州東七十里南垂慶北常熟州宛山塘東

常熟州界西上福鄉界

上福

在州東五十里南梅里北宅仁東延祥西梅里鄉界

里鄉界

宅仁

在州北六十里元名光宅南梅里北江陰州界東懷仁西交山鄉界

鄉界

懷仁

在州東北六十里南上福北江陰州界東常熟州界西宅仁鄉界

鄉界

膠山

仁在州東五十里南梅里鄉北江陰州界東宅

梅里

在州東三十五里南太伯北宅仁東上福西景雲鄉界

景雲

在州東二十八里南太伯北天授東梅里鄉西在城

總村

凡保分所該村墅並從一二順數至十止仍著所攝都分於下餘可例推

胡村

一保前王二保蔡家渡三保馮窑四保

峰村

五保後祁六保高橋七保梨花莊八保

塘頭

九保下王十保楊莊一保倪村二保

觀莊

三保龍陽四保斗門五保下墟六保

富村 七保

居莊灣

八保

嚴埭

九保

侯莊

十保

並天

二保

鄉

西張村

王莊

後湯

路東寺頭

前姑裏

後姑裏

張村

小李墅

成塘

長埭

三都

東皇

前馬鎮

後馬鎮

俞村

開原莊

麻碕

陳村

西高山下

西戴碕

新塘

四都

大李墅

包李

胡家渡

西高山下西

西高山下東

西高山

高魯堰

丁塔

鄒祁

九十保五都並屬興寧鄉

袁巷

俞巷

蓮蓉

干柯

南碕

章村

浮舟

麻塘

吳村

方前

六都

吳家

柘塘

花巷

前舟

唐村

鄧巷

伯墅

周村

大劉

繆家

七都

奚村

曹坊

大墩

東陳

玉祁

西陳

楊莊

黃巷

後曹

呂舍

八都並屬
興道鄉

陳村

惠符

萬壽

青墩

徐村

吳蔣

東孟

西孟

陳城

張高莊

九都

嚴莊

弓村

潘葑

三保四保

社埭

新涇河

下徐

錢村

西張

九十保十都
並屬萬安鄉

直湖

羊巷

陳巷

下湖

張巷

寺巷

洛社

姚莊

謝村

乙虞橋

十保十都

盛村

曹市

安莊

下塘

五牧

梅巷

歐塘

彭店

高廟

新村

十保十二都並招義鄉

西村

志公橋

吳村

彭村

曹村

楊村

張村

閔巷

張塘坊

下祈都

三

楊橋

强家渡

王巷

侯巷

匡村

余村

左村

嚴坊

大橋

秦巷

十四都並屬青城鄉

上舍

鄭店

陽莊

安陽

費莊

五保六保

修浦

開原莊

八保九保

馮橋

十五都

郭莊

蘆橋

尹城

張莊

徐舍

寺前

賈山

嚴塔

蓮干

賈村

十六都並屬神農鄉

刁莊

堵村

謝巷

曹村

俞巷

陸墟

黃巷

吳村

張舍

前邵

十七都

孟村

張村

胡干

花村

段莊

西溪

後吳

巷頭

馬巷

西山灣十八都

章山

閭江

箭言村

桑村

邵巷

倉峴嶺

蔡村

胡山

歸山

楊灣

十九都並屬富安鄉

陳村

新豐

後莊

蓮干

賁巷

韓村

上倉

西丁村

東丁村

華藏

二十都

奚村

三家村

廟塘

官瀆

唐巷

石橋

聖山

徐塘

厯村

毛村

二十一都並屬布政鄉

莫塘

下虞橋

澨湖

錢橋

陶墟

龍山

烏涇橋

河澔

五里階

許陂

二都雞坑

石步

卞家灣

嶧嶺

斗城

明陽

丁村

蝦蟇橋

常庵

戴社

二十三都並屬開原鄉

倉干涇

板橋

河莊

下曹

路耿

大浮

漆塘

周村

胡戴

張莊

二十都四都

大橋

梁塘

二保三保

沿塘

章村

連塚

丁巷

塘北

後溪

蘇秦

二十都五都

茅場

獨山

半淹

青祁

方東

青山莊

南橋

馬蠡

蘆村

永勝橋

二十六都並屬揚名鄉

許墓

李山

軍將

橫山

許舍

葛埭

楊橋

前張

陶墅

唐干

二十七都

沙頭

張上

南辛

倉前

吳塘

白茅

長太

瀆東

庵塘

丁澤

二十都徐店

橫塹

方湖

後吳

上顧

萬步

湖沙港

趙舍

楊橋

唐干

二十九都並屬開化鄉

店涇

袁巷

戈村

趙埭

茅墳

前陳

楊木橋

曹店

廟橋

後陳

都三十

唐店

余村

焦莊

蠡東

沿塘

東張

西許

張村

溪橋

張莊

三十一都

望亭

沿塘

二保三保

下庫

湖頭

徐陶

新安城

淨慧寺

溪西

新橋

三十二都並屬新安鄉

漕湖

方橋

泗洲寺

虞巷

青墩

袁巷

泥潭

徐塘

下莊

孫村

三十三都

大車堰

劉村

楊墓

柘社

商巷

朱村

南蠡莊

萬團橋

望亭

沈瀆

三都十

包莊

南河

金鵝墩

何店

觀莊

華莊

唐莊

鼇塔

馬頓

沿塘

三十五都

白泥墩

一保

丁村

二保

虎盆

三保

道士莊

四保

東黃

五保三十六都並屬太伯鄉

張塘橋

小茅涇

應店

丁秦

關

磚橋

途林

狄澤

胡堰

楊墓

三十七都

毛塘橋

東莊

觀前

東朱

胡莊

三黃子

馬橋

廟橋

後淹

閩

三十八都並
屬垂慶鄉

丁舍

白茅墩

白石

橫涇

上朱

莊巷

圓通

廟橋

陳巷

潘巷

三十都

毛莊

蓬墩

費橋

莊前

寺南

甘露鎮

塘涇

蔡灣

黃塘

胡橋

四十都

新涇巷

趙莊

東黃

湯巷

濠上

後塘

栢橋

北黃

馬巷

西城

四十都

鴻山

杜莊

浦巷

東蘄

曹墓塘

斷塘

朱莊

石室

唐賈橋

尤村

四十都並屬延祥鄉

東莊

板村

宋村

白塔山

殷巷

西安

羅莊

許巷

太平橋

嵩山

四十都三

河北

華巷

二保三保

支巷

戈家浜

東村

西村

西後村

寨裏

胡巷

四十都並屬上福鄉

興塘

管莊

虞村

許村

膠山

走馬塘

顧巷

華陂

上村

楊巷

四十都五

唐巷

東方莊

杜馬橋

袁店

馮堰

貴村

萬村

尤村

陳村

楊鄧

四十六都

岳莊

顧馬墅

苧澤

蘇塘河

下虞

梓堰

袁巷

南庵

施村

黃土塘

四十七都並屬宅仁鄉

羊尖

前市

周莊

千牛莊

東許

舍上

顧市

莊頭

弓巷

前村

四十都八

利國

顧莊

封侯

鄧莊

單宅

羊梓

吳戴

前戴

後戴

黃莊

四十都九

胡唐

蕩上

下莊

後祁

凌店

菖蒲涇

潘市

陸市

張村

城塘

五十都並
屬懷仁鄉

前山

一保

羊墅

二保

回村

三保

丁村

四保

西斗村

五保五十一都

牛塘

六保

白土

七保

顧莊

九保

西袁

十保五十二都

上舍

范巷

木村

杜村

道場巷

李巷

殷巷

王村

廟下

坎莊

五十都

下馮

羅橋

北塘

上店

惠巷

寺莊

下徐

翁巷

于巷

前五

五十四都並屬膠山鄉

滕莊

戴墅

席祈

莊頭

隆庭

鴨城

阪橋

祁陀

安澤

後羅

五十五都蠡頭

尤車塚

張公橋

石埭

堠山

宋村

社洞

小呂

梅村

丁村

五十六都

蘆尖

萬村

秦村

毛塘

香涇

袁墅

破塘

許巷

冷村

堠陽

五十七都並屬梅里鄉

沿塘

吳村

孫道村

後蘇巷

鮑巷

黃村

鉄柱岸

黃草岸

前蘇村

冷瀆村

五十八都

石澤

一保

時窰

二保

江陂

三保

王莊

四保

羊橋

五保

坊前

六保

杜村

七保八保

下楊

九保十保五十九都

周涇村

黃土

何墓

袁墅

沈莊

白土

張塘

新安村 歐村

華莊

六十都並
屬景雲鄉

津梁

染涇橋

在裏路

董家橋

跨弓河

蚬子橋

跨弓河

度僧橋

通南禪寺
並屬東南隅

鳳光橋

跨第六箭河唐武德七年與鳳光寺同建

斜橋

跨第六箭河之中唐咸亨二年造宋景寧間
重建亦名崇寧橋

韓修橋

一名關驛橋在
洞虛觀東

通濟橋

即青石橋在韓修
橋東

通濟石洞橋

跨第六箭河在鳳光橋東

青牛橋

跨弓河

洞虛觀橋

在觀前

盛巷橋

舊名興寧橋跨億豐倉河通驛道東晉哀帝興寧中造或云唐貞觀六年建

倉東泥橋

在盛巷底並屬東北隅

中市橋

一名倉橋跨運河在大市橋之南南市橋之北故名因三登倉近又稱倉橋

南市橋

在中市橋南跨運河唐武德中鑿運河時建欄楯上刻為人形俗稱為孩兒橋

虹橋

跨束帶河

水碓橋

跨水碓河

女貞觀橋

在女貞觀東

州學橋

在學前

將軍堰橋

在女貞觀南唐單雄信提兵過此以鎬止水為堰故名並屬西南隅

州橋

一名中門橋在州前譙樓外三步

大市橋

一名通濟橋跨運河隋大業八年二月建宋嘉定中縣令鄭之悌易以石梁

胡橋

一名東橋跨州後營河口唐咸亨二年造宋嘉熙初邑令趙公重修故又名趙公橋其曰

胡橋者橋下有胡統軍廟意者取名之義以此橋邊沈姓所居故又名沈橋

北倉泥橋

在倉西跨運河泰定橋在胡橋北

迎溪橋

在州西南以其橋迎溪故名茅子橋在州南並屬西北隅已上在城

蓮蓉橋

唐貞觀三年造三里橋

凌涇橋

高橋

跨五瀉河

排涇橋

並通常州驛道

廟橋

在東門外百步

下田橋

在九頃岸

塘南橋

在五步塘南

塘北橋

在塘頭中

老鴉橋

在下墟村南

師姑橋

即塘頭北橋

顧橋

在北門外

嚴埭橋

塔子涇橋

並屬天授鄉

張塘橋

在張村江陰路

馬鎮小橋

通江陰路

高魯堰橋

胡家渡橋

江陰水路上並屬興寧鄉

麻塘橋

塘頭橋

並跨麻塘港並屬興道鄉

潘葑橋

通大塘

萬壽從村橋

茅瀆橋

蠡口橋

黃渚瀆橋

並屬萬安鄉

洛社橋

郭瀆橋

石瀆橋

並通常州驛道

界涇橋

在晉陵界口

小石橋

在洛社北

耽蟹橋

在寺巷北

乙虞橋

在耽蟹橋北

花渡橋

大橋

在彭瀆橋南

柳堰橋

在五牧鋪東

曹塘渡橋

在歐瀆

彭瀆橋

並屬招義鄉

五牧橋

通大塘

志公橋

通西村

嚴坊渡橋

通花渡

下田橋

並屬青城鄉

鄭店橋

跨梢塘

東塘橋

跨直湖港

黃灣涇橋

在修浦

新瀆橋

跨東塘河並屬神護鄉

狀元橋

即胡埭橋宋蔣狀元嘗居是因名通負耒橋

負耒橋在花村橋南

花村橋

在新瀆莊橋近張橋通陸墟

張舍橋通胡埭

廟橋

通花村橋

孟春橋

通陽山路

陸墟橋

閻江橋

跨閻江河通晉陵縣界並屬富安鄉

藕蕩橋跨梢塘

梢塘橋

劉塘橋

通開元路

韓村橋

通負耒橋

馬家橋

通梢塘橋

新瀆莊橋

跨直湖港並屬布政鄉

西門橋

一名梁清橋一名梁溪一名清溪一名跨溪在西門外隋大業中建

新板橋

在西門外

大德橋

在五里街

錢橋

通萬安路

烏涇橋

橋通藕蕩

兌橋

通錢橋

下虞橋

通兌橋

許陂橋

通橫山路
並屬開元鄉

孤瀆橋

跨塘河

何巷橋

曹黃涇橋

梁墓涇橋

團涇橋

鋪涇橋

並在大塘

中橋

南橋

並在馬蠡

新涇橋

沿塘

陳公橋

通大橋

善堰橋

通梁塘

梁塘橋

通新安

仲八郎橋

通大橋

大橋

在落星塘

薛石橋

通開化路

石塘橋

跨石塘
並屬揚名鄉

橫山橋

通丁澤

丁澤橋

通軍將路

沙木橋

跨吳塘門

葛埭橋

通沙頭

後吳橋

村在後吳

上顧橋

在上顧村

橫塹橋

通周村

周圍橋

通新安

南板橋

通葛埭橋

陶墅橋

通楊名

並屬開化鄉

東對瀆橋

周涇橋

率瀆橋

白龍橋

徐陶涇橋

馬墓橋

午干涇橋

急水橋

通吳橋

一名望亭橋又名風波唐永淳間造並跨大塘

蠡橋

新橋

並跨蠡瀆

新安溪橋

跨溪

楊木橋

通湖上

巡塘橋

跨巡塘

管塘橋

跨新涇

袁巷橋

跨黃泥

廟橋

周倉橋

並通揚名

高橋

通開化
並屬新安鄉

麋城橋

跨長洲縣
界

徐塘橋

通廉城

楊墓橋

在楊墓

何店橋

通南河

唐莊橋

通徐塘

南河橋

通望亭

沈瀆橋

跨瀆
並屬太伯鄉

張塘橋

通馬橋

馬橋

通望亭

磚橋

通平江路

胡堰橋

通平江路

塗林橋

通常熟

界涇橋

通長洲界
並屬垂慶鄉

蘇舍塘橋

通平江路

朱舍橋

通鴻山

曹墓塘橋

通太平

東西濠橋

在甘露市

市橋

在甘露市

蔡師橋

在甘露市東

蔡橋 甘露市南

師姑橋

甘露市北

唐巷橋

在甘露市

虹橋

甘露市內

夏橋

通江陰界並屬延祥鄉

太平橋

在華巷

九里橋

跨太平河

呂巷橋

跨延祥大河

芙蓉塘橋

跨走馬塘

杜家橋

通延祥路並屬上福鄉

萬村橋

馮堰橋

唐橋

梓堰橋

沈蘇橋

並跨新河

石灰橋

跨蘇塘河

管莊橋

和塘橋

雙涇橋

並跨包鹽河並屬宅仁鄉

陸墅石橋

香花橋

在羊尖常熟界

羅家橋

在後墅並屬懷仁鄉

白土橋

即永豐橋在顧莊東

復興橋

太平橋

通江陰路

上舍寺橋

並跨吳瀆港並屬交山鄉

永安橋

在蔭庭

新塘橋

跨大河

鴨城橋

張公橋

坊橋

梅村橋

並跨伯瀆河

福塘橋

通張公橋

毛塘橋

通延祥路

潭塘橋

並屬梅里鄉

東門橋

在東門外

塔水橋

橋下有塔影汎水面故以名橋

黃婆橋

在蘇村

黃團橋

在黃婆橋南

冷瀆橋

顧橋

南禪寺前

保安寺橋

顧橋門外

新橋

江陂橋

百千瀆橋

王莊橋

驢橋

羊橋

並跨伯瀆
並屬景雲鄉

無錫縣志卷一

欽定四庫全書

無錫縣志卷二

山川第二

易曰天險不可升也地險山川邱陵也王公設險以守其國自古城郭莫不因山川之險以為之固無錫居乎浙右之地無名山大川之限而其所恃一本於先王之教化體天地尊卑之義民生習為禮法以固其封域而山川之佳秀者適足為邑人遊衍之娛有不足以恃其

險焉然亦職方之所不可缺也作山川第二

總山二之一

地里家言山亦多岐矣雖其言之不經要亦有其理其言江南諸山皆自西蜀而來逾河導江並入于海蓋以地勢言之莫高於西北由是指西北之山為天下之根本脊脈順其性而下以至於東而止論其勢然耳或言浙之諸山悉本天目之來脈此據浙之一境而言蓋杭為兩浙之都會天目居杭之境內界乎浙之兩間巍然

傑出莫之與京地里家言凡山低者多則高者為主故以天目為浙之主山則兩浙之山皆附屬矣其他不足論也且以無錫一邑言之既以錫山為主自錫山西北由惠山龍山周回起伏缺而為嵒崿走而為青山大穹或斷或屬行五十餘里入於太湖由錫山而南蓄而為獨山引而為石塘軍將蜿蜒盤礴亦五十里而入於湖其他若鴻墩膠顧芙蓉石室等山率皆孤邱獨巘東西望於錫山有拱輔之勢此無錫諸山之大畧也

錫山去州西七里開元鄉在惠山之東本惠山之脈也
惠山至是中斷伏而為山岡缺半里許復起為錫山至
錫山而山脈始絕唐陸鴻漸惠山記云惠山東峯當周
秦間大產鉛錫所以謂之錫山至漢興錫方殫後有於
山下得銘云有錫兵天下爭無錫寧天下清有錫淦天
下弊無錫義天下濟至王莽之時錫復出光武至順帝
之世錫累竭自是以來不復有錫故東峯至今謂之錫
山考之銘記則知是山古嘗出錫有關於世也又按無

錫諸山皆高惟錫山獨低地理家言凡山高者多則低者為主故世以錫山為主山惠山雖高不得並稱也俗云客山高利客不利主理或然耳其山得以主山稱故擅名浙右山上有小石圓廓若盆引竅潛通山谷積水嘗滿雖大旱飲千人不竭俗呼為仙人洗面石山前有蕩曰月子蕩山下有澗曰錫山澗二泉之派由澗引入梁溪元延祐間里姓倪文光創精舍於山之陰名清微築隄遏澗為水簾作潺湲之聲晝夜不輟山根有聖水

升宋廬至柔隱山中學道時所鑿環甃以甃上悉書符篆以為汲飲可以愈疾至今邑人信之山側有塢曰秦王塢惠山記云始皇東游望氣者以金陵太湖間有天子氣故掘而厭之其東復有塢曰烏腰塢皆與山近春申君廟在山下

惠山在州西境內去州七里當錫山之西南徐記云其南北數十里嶺東西各有泉皆合梁清溪水西南入太湖唐陸鴻漸惠山記云惠山古華山也是山連亘二百

餘里吳地志云華山在吳城西一百里晉宋時號曰歷山郡國志云南朝多以北方山川郡邑之名權創其地又以此山為歷山以擬帝舜所耕者山北有石田曰舜田有石井曰舜井其村因謂之歷村寰宇記云無錫有古歷山下有春申君祠又有范蠡城釋寶唱名僧傳云沙門僧顯宋元徽中過江住京城彌陀寺後入吳憩華山精舍華山上有方池池中千葉蓮華服之羽輕與華州華山所產同老子枕中記云華山者吳西神山是也

郡國志又云無錫有九龍山亦曰冠龍山鴻漸記云是
山一名九隴一名九龍一名鬪龍九龍者謂山九起若
龍虬縹螭合沓之狀鬪龍者隋大業末山上有龍鬪六
十日因以名之按今山有九峯下有九澗其第一峯有
寺曰普利院寺後有若冰洞冰泉及天下第二泉山西
復有古洞潛通包山即古洞陽觀今亦擁閉山下有羅
漢泉今不見其迹山側有黃公澗因黃歇以名去黃城
八里自錫山東第一峯曰惠山由惠山而北曰龍山自

龍山龍尾斷曰嶧嶺口舜山又在其北又名舜柯山
即所謂歷山也其上有舜田不種而禾歲恒產一二穗
并舜井在焉自惠山北至龍山凡九起止嶧嶺口而山
脈始微斷至舜山復起北走迤邐入湖皆惠山之脈故
昔人併稱之耳不然則寰宇記何以言歷山下有春申
君祠及范蠡城哉今春申君祠廟基在錫山當惠山之
東范蠡城即所謂斗城者是也在惠山之西去春申君
廟六七里而所謂舜山者從惠山自南而北相去懸絕

十里在九峯之外不應與惠山混稱也特以惠山之名著故併稱之無疑矣然觀南徐記所云是山南北數十里則縣西之山與惠山同脈者皆可以惠山稱而陸羽記又云是山連亘二百餘里則又知太湖諸山與惠山勢若相接者皆可稱為惠山又不獨指同脈之山也而謂之歷山則當自南朝始曰舜山舜柯者後人因歷山之名故附會其說舜田舜井不過假舜之名以神其事耳茲山得泉水之勝為錫之名峯高人逸士既多卜築

若孟信安之別墅尤遂初之齋居皆在焉其他僧坊仙館若孟氏之時思倪氏之清微凡以菴若院名率皆占山之勢指為佳境四方游衍之人舟車隘塞攜觴挈榼歲無虛日而茲山之名將與湛茂之陸鴻漸同為不朽矣其山雖為一邑之名勝然無深林太谷之藏奇葩異草之產惟鴻漸所品之泉實為天下第二及金蓮花世亦罕有圖經雖稱出石香葉然亦不見采錄馬鞍嶺在山上

璚山去州西七里在惠山東南亦惠山之脈山之麓有
明陽觀云即古洞陽觀基也觀中有亭曰橫翠以望諸
峯山半有閣曰望湖下瞰太湖蒼蒼渺渺一瞬彌矚旁
有半山之亭亦可遐睎山上有泉曰洞酌泉由觀而上
可到泉上有亭可坐可睡山下有大塚元延祐間邑士
強以惠買地附山築為大隴凡有死而無以為殯者給
以葬穴至今號為義塚春暮之月邑人祭掃率往遊焉
亦為邑之名境山後有義興嶺由此可徑義興大池塢

牛來塢即游來塢皆在山南龍腿塢在大池塢北

章山在惠山之西南與璨山前後相向皆惠山之來脈
龍山迺惠山之北尾一名龍山蓋惠山自南而來其中
為馬鞍嶺自馬鞍嶺而北至龍山而惠山之岡斷矣越
絕書所謂縣西有龍尾陵道春申君初封吳所築者即
此是也至今山尾呼曰龍尾山上有龍潭周氏風土記
云龍山去縣十八里上有三峯有白龍潭東晉時有家
其上者妻妊三年忽產一龍色如銀七日昇天去龍母

死葬於山頂龍父併所居成潭號曰白龍潭自後遇龍
一歸歲則大熟山由是名按此山春申君時已稱龍尾
陵道則龍山之名又恐不止於東晉產龍之後也山下
有精舍曰悟空宋宗姓若崑之小隱長松茂林深篠翁
鬱可以游處有軒曰翫雲當惠山西來第七峯之下朝
霏夕陰宛若圖畫方外張伯雨及往來之士皆有留題
山西有澗曰回龍澗其水從山之西循山而北轉龍尾
東流注于河

嶧嶢山在龍山西去州一十八里惠山諸峯至龍山龍尾稍斷數十步然後突起為嶧嶢山其斷處曰嶧嶢口由嶧嶢口以通湖上諸山舜山與嶧嶢山相指舜山去州西北三十里一名柯山俗合而名之曰舜柯山即所謂厯山也與龍山嶧嶢皆相近中斷處即嶧嶢口風土記及陸羽惠山記云西神山聯峯疊嶂之中有柯山者吳公子仲雍六世孫柯相所治之處故山以柯名郡國志稱南朝多以北方山川郡邑之名權創其地故以惠

為歷山今歷山不云惠山而此山其獨指為歷山者豈
此山與歷山之形真肖特表而出之耶惠山之脈相去
固不甚懸絕也蓋惠山西來山勢連亘四十里蜿蜒盤
礴至是始得其半豈四十里之山皆得為惠山稱是山
居適其中惠山既改為歷山故指此山界乎兩間者總
而名之耶而所謂舜山豈亦因歷山之故而變稱耶山
上有舜田舜井豈亦因是耶抑以舜田舜井之故後人
妄指此山為歷山而呼為舜山耶不可必其說也故併

疏之以俟知者辯焉

東孔山去州西一十八里舜山之陰其上有宋端明尤
袤墓

西孔山去州二十里與東孔山相屬皆舜山之來脈
石盆山在舜山之西

勝山在石盆西與舜山接山下有煮狗嶺

雞籠山在勝山西自石盆而下皆舜山之連脈

青山去州西北三十五里面太湖山下有張循王墓及

華藏寺由青山巔以入寺中山下有小巔塔子巔唐灣
去青山不遠

唐灣山在青山下邊太湖唐灣上蒼峴巔在其側皆青
山之連脈

大穹山去州西北四十五里

廣長山在大穹山西

白射山又名白石山去州西五十里而太湖在廣長山
之西

月牌山在白射山西與白石山連

章山在月牌山西與月牌山連

大雷山小雷山並在章山西章山之連脈郡志云雷山在太湖中馬跡山西風土記云震澤中大雷山小雷山或以為舜漁之所按今富安鄉有大雷小雷二山邊太湖當在馬跡之東南俗呼大犂山小犂山今吳縣洞庭山亦有大雷小雷之名郡志所錄當為富安之二山風土記所載乃洞庭之二山特以名同誤指之耳此山俗

以雷為輦者蓋語訛也或以為大驢小驢失之遠矣又
名閭江山其稱大驢小驢或因比耳

陳灣山在小雷山西

胥山在小雷山之西由陳灣而上曰廟渚山即此山也
山下即閭江史記曰吳王夫差殺子胥取其屍盛鴟夷
浮之江中吳人憐之為立祠是曰胥山張晏曰胥山邊
太湖去江不遠百步故云江上今閭江有闔閭城下有
伍員廟山以廟渚名者此也其山去州五十里下有青

山嶺

韓灣山在廟渚山下與青山嶺接自大穹而下諸山悉連亘相屬皆為閭江山之連脈

歸山去州西北四十五里風土記云闔閭殺伍子胥以鴟革裹之浮於江中子胥既死吳人於此山猶望其歸故命其山曰歸山

胡山與歸山相近

平塔山去歸山不遠皆在閭江山東

長腰山去州西北四十五里山上有嶺曰長腰嶺

賈山去州西北四十五里在長腰嶺東

苦庵山去州西北四十五里皆近安陽山

安陽山在州之西北寰宇記云安陽山到州五十里周
回一十八里高一百丈風土記云周武王封章子賁於
無錫為安陽侯至今山下有周賁墓意者山之名義兆
始於此令人稱為陽山亦稱曰西陽山郡志云山在陽
湖之上故名二說當有合也其山平地拔起高峯圓峻

四望如一挹湖水之光包林木之秀若人之有文采然
故世易以美名曰文筆峰山趾有翠微院長廊邃宇甲
於鄉為令名剝山頂有龍池廣袤三丈深過一仞歲旱
禱之嘗驗山出大石可為礮臼始見采於漢大夫陸端
旁近數州藉以用之惟文質麓礪不堪作他器也然自
漢至今取之不竭山之空嵌皆弊於掘鑿故中多洞穴
舊稱三十六洞今山多圯塞不可尋究但言九門洞張
公洞甘草洞清水洞而已要皆為取石之穴非天成也

錫山之脈蜿蜒北走至是始斷

橫山在嶧嶠西周回十四丈高九十丈去州西二十里其東與龍山勢若相附中斷為平田通嶧嶠口以出惠山其西與管社山相望中隔為梁溪太湖在其北礮竜澗大澗皆在山下

許山去州西南二十七里在橫山之西鎮山在其東月山在其西是謂山之兩尾

西顧山去州西北三十里在孔山之北與橫山近

雞坑山去州西二十五里邊太湖

石步山與雞坑山相連

晶山與石步山近俗呼為甌匭山謂山形之肖也

管社山去州西二十五里西南入太湖與獨山相峙中
匯為浦嶺門亦名廟門其東望于橫山溪流導二山並
注於湖

獨山去州西南一十八里其北與管社山相望衝為浦
嶺門南與充山對峙中匯為門號曰獨山門溪流入五

湖演漾而西從門出太湖

充山去州西南二十五里與獨山相對山下有灣曰曹灣自曹灣而下坦為平壤悉皆良田相去不一里許截然中斷為獨山門山東即五里湖湖水由山下里西流入太湖

朱山一名朱墓山在充山南去州二十五里

漆塘山去州西南二十五里與朱山相連北臨五里湖宋知州錢紳退老卜築其間遺趾尚存游者咸造焉山

南有塢曰狗腸塢狗腸塢北曰南桃花塢羅嶺又在其南

石塘山一名廟塘山在漆塘山之北去州西南二十五里山西有徐偃王廟山下有石塘枕長廣溪一名廟塘按廟記云錫山西南一舍而近是為五里湖湖之陽有山山之陽有廟又云廟山相傳曰廟塘廟據其趾石塘橫其東山是以名山北有嶺曰山門嶺嶺後通漆塘大浮二山

路耿山去州西南二十五里在石塘山北得揚名開化
二鄉諸山之中其山高聳冠乎兩間層巒疊嶂四面環
繞若相朝拱然前俯長溪後背太湖要名佳勝之境山
旁有塢曰董塢與山相接山下有嶺曰羅嶺可徑石塘
山復有小山無名俗稱為野山由野山而度許舍

許舍山去州西南三十五里在路耿山之南橫山之東
羣峯盤旋結為深谷宋待制蔣諧顯謨許德之侍郎施
垌禮部尤袤皆嘗卜築其內山東有湯村嶺

南橫山去州南四十里當許舍山南

白茅山在南橫山之南與南橫山接山下有嶺曰赤石嶺

羊祈山與白茅山連

軍將山去州南四十里邊太湖南唐時嘗屯軍此山以禦吳越之兵故以軍將名其山山北有塢曰甲仗塢相傳所以貯兵器之地南曰官材塢俗稱為官來塢西曰竹弱塢

五浪山與軍將山連山下有巔曰芮家嶺嶺下皆平田
吳塘門在其下吳塘山相近焉石人塢在山西

廟山

龜山

裏山

長太山去州南四十里在裏山北山下有長太寺

過山在長太山南

吳塘山去州四十五里邊太湖其山與鵲鵠山南北相

望山下坦為平田去三里許始匯而為川號曰吳塘門
溪流從中瀉入太湖門上駕橫木為畧杓名沙木橋由
是徑鵝鵠山以通湖上之路自充山至吳塘山山勢連
亘五六十里或起或伏獨路耿軍將最高要皆為路耿
軍將之來脈

鵝鵠山去州南五十里山下皆良田離山一里許即吳
塘門其山與吳塘山南北相望

沙頭山一名廟山在沙背上邊太湖與鵝鵠山相近其

沙觥亦曰廟山觥

沙觥山在沙頭山南其南即竹山

竹山在沙觥山南無錫諸山之南脈至是而絕

鴻山去州東五十里本名皇山吳地志及南徐記云太
伯宅東九里有皇山太伯所葬即此山是也語訛以皇
為鴻耳一名梅李山亦曰梅里平墟高十丈上有太伯
墓

白擔山去州東四十五里

余山

奚山去州東四十五里亦名晶山俗呼為諧山奚字語訛也

石室山去州東五十里

嵩山去州東五十三里嵩或作松南徐記云松山一名少孤山

堠山去州東四十里吳地志云堠山周回七里高七十丈南徐記云堠山北有白石峴堠或作緱龍腿山在其

下亦堠山之脈

膠山去州東北四十里在堠山東北高九十丈長九里
山上有梁蕭侍郎宅今為招提旁有泉出山竇中味甘
色白名曰竇乳泉又有滌硯泉世傳蕭公肄業時嘗滌
硯是池故名池上有亭曰硯水亭山上有獸蹄痕寺僧
神其說以為金牛跡是山與惠山相去四十五里東西
相望宛若翠屏其西小峯曰鳳凰山甌甌山與鳳凰山
連挿旗山與甌甌山連皆膠山之來脈

芙蓉山或稱余蓉山或稱余洪山去州東三十里其山
周回八里高三十丈歲遇清明游衍之人畢萃此山俗
因目為清明山山上有二土邱一號龍井峰峰上有龍
井歲旱可禱又名天一峯復有頑石二各高六七尺人
呼為石公石母二石對峙中可通人往來或云山下居
民時望見石有光彩又有金雞石明澤可愛與公母石
相連世傳每至歲旦昧爽有金雞飛鳴其上亦未見其
必然山之西趾有田一規名彈子邱中有土壠隨田圓

轉宛若彈丸環壠四旁之田一犁可竟不費周折稱以
為異土人不敢近壠而鋤鋤輒蛇虺出焉當芙蓉湖之
未塞為田時登臨茲山可以凝眺烟水山由是名其曰
余容曰余洪者皆因吳人語訛謬稱之耳

斗山去州東北四十里其山長九里山頂自南至北有
土邱七象北斗形故以斗名山山之中有黃腰嶺西通
牛塘山上有白堊朱石

回山在斗山之東與斗山同派里人併稱為回斗山

觀基山在回山北二山相連本回山之派山西有舊闕
碑無字

枝柚山或云桅子山在回山西其山多生苦梔

黃文山俗呼為黃梅山四山皆頑石不宜樹木在回山
東

前山在回山東南去回山不遠

白石山在前山東與前山相近皆斗山之餘脈

西高山去州東北二十五里興寧鄉其山平淺無深林

邃谷山之南峯頂上有仙人禮拜石石上有迹類人額
痕及兩肘膝伏處相傳人俯其上不論老稚長短其額
與肘膝處皆當其穴以為異山中有路可通興道鄉其
中峯曰靈龜山北峯曰鳳凰山山西世為里姓高氏之
居山由是名俗呼為西膠山蓋指膠山為東故誤稱耳
東顧山去州東六十五里其山占江陰常熟無錫三州
境寰宇記云顧山東屬蘇州西屬常州一名馬婆山山
上有寺及龍潭

金匱山又名紫金山在州城東北隅第六箭河上鳳光橋東周迴數十丈當邑之中邑之主山也世傳有金匱藏書於山下為無錫之巨鎮故名今按此山負土所成要非天設居邑之中故指為鎮山云然亦總山之不可佚也姑附之於篇末

總水二之二

周禮載九州之浸揚州其浸曰五湖即今之太湖也無錫據太湖之東倚湖為浸環州之水皆出納於湖旱則

隄以遏之滂則疏以浚之此無錫之水利也嘗考邑之
水源出於惠山之泉至山下分為二道一注於雙河一
下於梁溪皆合於運河之水湖流之出而通於運河者
其南皆自小五湖而入青祁淹過大小渲而會于梁溪
以達於河餘若長廣新安烏角諸溪及蠡瀆之水或竟
出為河流或相會于溪水至運河則皆合而為一其北
閘江陽湖之出皆太湖之餘波閘江之水悉會于雙河
口陽湖之流則貫直湖淹而出花渡雙牌諸港皆達于

運河而復合為一運河之水其南皆東注于太伯瀆鴨城河而入蠡湖以下東海其北則東流為五瀉水支分脈拆至江陰而達于大江此無錫之水勢也

太湖去州西南一十八里自西而北繞州之境四十五里即古具區震澤所謂五湖者是也越絕書云太湖周回三萬六千頃禹貢之震澤爾雅云吳越之間巨區其湖周回五百里襟帶吳興毘陵諸縣界東南水都也周官揚州其浸五湖張勃吳錄五湖者太湖之別名以其

周行五百餘里故以五湖為名郭璞爾雅巨區註云縣南太湖也中有包山山下有洞庭穴道潛行水底無所不通號為地脈舊經云湖內有靈山去北岸二百里其山清秀山中有靈山寺舊屬無錫後割入晉陵南際有洞庭山在蘇州吳縣界產柑橘與瀟湘洞庭等非船莫通寰宇記云太湖從湖州長興歷常州義興晉陵及無錫界今按太湖南自平江長洲縣入長興與義興並行四十八里東南至吳縣界自烏山北沿湖西岸東行六

十二里又與吳縣為界沿湖屈曲越常州界一百四十里與州之分水為界占州之新安開化揚名開元富安五鄉由新安鄉烏角溪口自南而西迤邐行至富安之閭江而止為是州之巨浸西流之水皆會於獨山吳塘浦嶺諸門而通太湖

小五湖在州南一十八里一名五里湖其北梁溪水順流而南二十里其東南長廣溪迨迨二十餘里注于西北皆至湖口與梁溪水會二水合流由是湖過獨山門

及廟門而通于太湖

青祁淹去州西南二十里揚名鄉東西二十里南北一十八里梁溪自州西迤邐西南流分為大渲小渲二淹並行至青祁淹口復合為一由淹入五里湖從廟門獨山門下太湖

大渲淹小渲淹去州西南一十六里揚名鄉梁溪由開元鄉自北而南直流行五里至孤瀆口分為二道其西為大渲東為小渲二水中隔平壤相去五里餘復行二

十里許至青祁淹始合里人多植蓮芰于是夏秋之月
荷花盛開彌望不絕好事者往往泛舟汀渚為煙水之
遊以謝炎暑

梁溪即梁清溪距州城西四十丈闊十丈深三丈源發
於惠山之泉入溪為南北流其南繞惠山西南三十里
自小渲淹西流出浦嶺獨山二門入太湖其北至五里
橋與運河通今謂之雙河口吳地志云古溪極陋梁大
同中重浚故號曰梁溪南北長三十里郡志云梁溪去

州一十八里按今溪在西門外去州治纔數十步人止稱西溪而不言梁溪其云十八里者併其發源處稱之耳據溪側有將軍堰令構石梁于上遺趾尚存去州南可一百五十步風土記云唐景龍三年置堰堰旁有梁蕭將軍墓宋嘉祐中開運河通梁溪取太湖水堰遂廢毘陵圖經云唐將軍單雄信提兵道此以鎗止水為堰故號將軍堰舊有閘今廢二說不同互有得也凡歲澇則是邑之水由溪泄入太湖旱則湖水復自此溪回居

民藉以溉田俗云州人不能遠出出輒懷歸以此溪水有回性所致孤瀆曹黃涇梁墓涇俱在州南揚名鄉其水由溪東出運河

長廣溪去州南一十八里廣二十五丈長三十五里占揚名開化二鄉亦惠泉之脈吳地記云縣南有長廣溪水深三尺陳勲所導按今溪由梁溪西南而下從揚名鄉南至開化鄉水分為二道其南出吳塘門其北至揚名鄉由五里湖出獨山門並入太湖溉田百餘頃大旱

不竭

唐干淹去州南二十里開化鄉長五里其水南自洪邱淹東從五里湖其西與北皆由太湖西流而至中蓄為浸東北出于蠡河

洪邱淹去州南四十五里開化鄉其水南自太湖演漾而來蓄為浸澤東北出于蠡河

蠡瀆去州南三十里在新安鄉寰宇記云范蠡伐吳所開又云太伯瀆西帶官河東達范蠡瀆入蘇州界澱淤

年深元和八年孟簡開浚之併導蠡湖長八十里即此
瀆也按今此瀆在新安鄉通太湖其地謂之蠡口自蠡
口北流十餘里而與梁墓涇合為一今人稱為蠡河自
涇口東出運河與太伯瀆之水會為河流東對瀆周涇
皆自蠡瀆而來達于運河

赤城溪長五里去州南三十五里新安鄉太湖之上南
通太湖北入于蠡淹

烏角溪長六里去州東南四十五里新安鄉太湖之上

東出望亭入運河西至于太湖是溪中分為平江南北之限隔

新安溪長六里去州東南四十里新安鄉與太湖相近東出運河其南與西並通太湖

閭江在州西四五十里太湖上即太湖之別浦也史記云夫差殺伍子胥取其尸盛鴟夷革浮之江中即此地其江與太湖合流實太湖之區也特別其名耳江上有甯凡十五曰閭江甯錢家甯陳家甯蔣家甯奮家甯盤

塢觚章山觚鹽亭觚大驢觚秦墓觚韓家觚後峴觚邵
墓觚許峴觚奮橫觚皆近江之島又有惠家觚杜公觚
蓮荷觚皆在湖上去江不遠

陽湖去州西北四十里神護鄉東西八里南北三十二
里深五尺寰宇記云陽湖在晉陵無錫兩縣去常州東
六十四里南入太湖二縣中分為界北通蛟濤臨津等湖
謂之三湖南徐記云陽湖壅塞久壞宋文帝元嘉中治
湖之四旁成良田數百頃今存湖名北復有一湖俗謂

之北陽湖亦曰宋建湖度其地本臨津以宋文帝嘗治故名

雙河在開元鄉去州北門外一里西溪之尾於此與運河合而為一曰雙河其流從運河入越布政鄉自西北而南復引于西貫直湖港過張橋為陸墟河而與晉陵縣界長岸河接其流通於太湖者皆自直湖港而下秋水瀆毛瀆皆運河之旁流而西者並注于雙河

北渡港在青城鄉運河之旁流而西者貫直湖港入雙

牌而與雙河之水合而為一

直湖港在青城鄉由運河而入志公港南下為北洋湖之南即港之脈直南而下貫于神護富安二鄉入晉陵縣界而下于湖

雙牌港在青城鄉近晉陵縣界越神護鄉過黃灣橋而入于南陽湖

運河東南自長洲縣界望亭入本州界行四十五里越州城迤邐西行四十五里至五牧口出晉陵縣界勝七

百石舟大業雜記云隋大業六年十二月勅開江南河自京口至餘杭郡八百餘里水面闊十餘丈又擬通龍舟并置驛館草頓並足欲東巡會稽自唐武德以後至今累浚為東南之水驛城中河凡十有八皆運河之支流別派曰斥瀆在北倉泥橋西垞曰胡橋河在州治後曰州橋河在州治前曰營河在州東與州橋河胡橋河並通由胡橋河東出運河曰水碓河在大市橋南曰東帶河河上即宋尤端明之故宅河繞其居故以東帶名

自斥瀆而下皆引西溪水東入運河曰倉前新河元大德間鑿水通漕運曰弓河曰九箭河皆縣之古河運河舊通馬令多堙塞二河併疏其說於後自倉前新河而下皆在運河東

弓河本舊縣之羅城濠也歲久無可驗但稱東河故老相傳云弓河自閘口灣灣由東門而南出度僧橋通運河如弓之背故號弓河以運河比之弓絃也

九箭河在弓河上有河九道皆通運河若弓之有箭然

故老云無錫有九龍峯下有九澗城中有九箭河應之
諺云九箭通出三公令通者惟第六箭河餘皆漸次堙
塞今列九箭河于左

第一箭河在東南隅邊巷西止官街而絕水常涸不
通舟

第二箭河在東南隅莊巷底河面頗闊祇長十餘丈
耳可停舟

第三箭河在東南隅染涇橋西稍西而止東向粗可

通舟

第四箭河在東南隅楊家巷頗深闊西至大街而止
稍可停舟

第五箭河在東南隅董家巷西止玄聖觀前稍西而
止但一大溝耳

第六箭河在東南東北兩隅界東自玄元宮前而入
西出運河稍通小舟河北有善智尼寺又名師姑河
第七箭河在東北隅福田巷底惟存一溝約長三四

十丈西至陳賢良墓右而止

第八箭河在東北隅自東門橋北而入西通洞虛觀前而止可通小舟

第九箭河在東北隅盛巷底惟存河口一二丈耳

五瀉水即五瀉河去州北一十四里天授鄉通運河闊六丈深七尺其源上湖大陂自五瀉口北岸行泝流四十里至江陰晉陵兩縣界雉尾口從界北四十七里深三尺已上至申浦上口北入大江潮汐所至可勝二百

石舟溉田一百七十餘頃舊有堰臨官塘稱五瀉堰宋元祐間既治蓮蓉湖為田因置閘於是以備旱澇今則架橋其上曰高橋以通徒行堰與閘俱廢矣運河水由橋下北流越興寧鄉入江陰界由夏港而入于江

長渠在州東北二十四里北入江陰境勝二百石舟或云在州西北一十五里入五瀉渠泝流六十里北入江陰軍按此渠當與五瀉水同派而異名驗其方隅之向背地里之相去與泝流之遠近水力勝載一一可比而

推况出自北門入江陰之水道莫此為大特以歲久蔑有識者姑辨其說用闕其疑

歐瀆去州西北四十里興道鄉有減水石碓斗門閘宋元祐間置蓋以芙蓉湖為田遇澇則開閘泄水從閘口出由江陰界以入江

閘口河其水從五瀉水東流而為陸逐港過蔡家渡分為二道其一循州城而東越景雲鄉至梅里鄉界口而入于伯瀆其一至膠山鄉界口東流越膠山鄉而匯于

南與宅仁鄉新河合又行數里北走而入于江陰界
五步湖去州東北七里天授鄉東西二十里南北一十
里南徐記云五湖其源濁而流清溉田百餘頃或云即
陶穀所隱之處梁載十道四蕃志云漢末錢塘縣陶穀
有道藝隱居五部湖時大旱蝗太守奉印綬請為無錫
令穀退而歎曰郡界有災安得懷道而不救之到城修
六事行弭災之術三日雨蝗盡死穀乃遁去今此湖皆
塞為良田惟所經之道稱五步塘今之塘頭即其地

芙蓉湖在州東北興道鄉寰宇記云上湖一名芙蓉湖亦謂之無錫湖占晉陵江陰無錫三縣界西去常州五十九里東西四十五里南北四十里深五尺東流為五瀉水毘陵志云芙蓉湖在縣東五十五里南北八十里南入無錫縣北入江陰軍東南入平江府北入揚子江吳地記云無錫湖萬五千三百頃為晉陵上湖又云無錫湖通長洲多魚而甚清徐州記云橫山北曰上湖南曰芙蓉湖陸羽惠山記云惠山東北九里有上湖一名

射貴湖一名芙蓉湖其湖南控長洲東洞江陰北掩晉陵蒼蒼渺渺迫於軒戶故惠山有望湖閣蓋自山下百餘里目極荷花不斷以為江南煙水之盛於是皮日休買舟與陸龜蒙及毘陵居士魏不琢共為煙水之樂時乘短舫載一甌酒由五瀉逕入震澤穿松陵抵杭越號其舟曰五瀉舟南徐記云芙蓉湖晉張闓基其中洩湖水令入五瀉注於巨區欲以為田盛冬著赭衣令百姓負土值天寒凝沍施功不成而罷至宋居民因其舊迹

隄岸堰水塞湖為田今悉南東其畝矣湖之經界漫不可考獨興道鄉麻塘橋至今有湖東湖西之稱亦皆良田無復痕跡以諸家傳記所載考之則芙蓉湖占平江常州江陰凡三郡自無錫推之其南當與延祥鄉鵝肫蕩接為控長洲之境東入興道鄉麻塘港以北為洞江陰之界北出興道鄉越歐瀆為掩晉陵之域其西則五瀉水從東流入于湖如此則南北不下七八十里東西亦四五十里始合傳記所載獨徐州記稱橫山北曰上

湖南曰芙蓉湖按今南橫山在州西南開化鄉去惠山
不下十里北橫山在州西北開元鄉去惠山亦十五里
兩山相望皆在運河之西臨太湖而惠山記稱東北九
里有上湖若在橫山之北不應與惠山遠近不倫姑辯
其說合諸家傳記之載并著徐州記之失好事者或可
因是以求古跡

西瓜瀆在興道鄉其源出天授鄉運河自蠡河西北至
興道鄉而始以瀆名行二里而與麻塘港合

麻塘港自咸塘河之西而為鄒祁河至興寧鄉界口名
麻塘尖而為麻塘港行二里許與西瓜瀆會而接于江
陰界

咸塘河在天授鄉出北門運河之水入于高橋之南而
貫于五丫浜為河之起脈北走越興寧鄉而通于江陰
界

嚴埭河在天授鄉由北門橋而下出閘口河為蔡家渡
從渡口向北直下即河之起脈入興寧鄉為泰平港入

膠山鄉為嚴埭河河流由是入江陰界其泰平港北流轉西亦入于江陰之境由夏港而達于江其東則為興塘港其北則為劉家河

興塘港嚴埭河下流至宅仁鄉分為二道其東則為興塘港至宅仁鄉而絕復引水東流而為包堰河至懷仁鄉而中貫為南北流南接于盛塘河河水東入常熟之境西通上福鄉芙蓉塘河其包堰河北通于江陰界

張塘河在興寧鄉太平港之旁注于西者稍行至胡家

渡分為二道西為張涇通五瀉水其南入天授鄉咸塘
河北通江陰界

太伯瀆去州東五里貫景雲太伯梅里垂慶四鄉西枕
官河東通蠡湖又東達于濠湖入平江界歲久淤塞唐
元和間刺史孟簡浚之長八十里闊一丈二尺深四尺
民獲霑溉之利唐書地理志云元和八年孟簡開太伯
瀆東連蠡湖寰宇記云太伯瀆西帶官河東達范蠡瀆
入蘇州界澱塞年深粗分涯岸元和八年孟簡開浚之

併導蠡湖長八十七里廣十有二丈自後太伯瀆謂之
孟瀆蠡湖謂之孟湖孟簡傳云元和中簡為刺史有孟
瀆久淤治道溉田千頃盧仝有謝諫議茶歌云安得知
百萬億蒼生命墮巔崖受辛苦之句正浚此瀆時為其
勞民也此瀆始開於太伯所以備民之旱澇民德太伯
故名其瀆以示不忘瀆上至今有太伯廟

鴨城河在梅里鄉其源自運河而來東出江陂橋過景
雲鄉越梅里上福至延祥鄉而止其在景雲謂之王莊

橋河江陂河在梅里謂之新塘河鴨城河在上福謂之信義瀆杜家河亦名太平橋河至延祥鄉稍蓄而為謝蕩引流至甘露水分為二道其一過濠橋而去其一由月河而出皆東注于濠湖

破塘河在梅里鄉起于鴨城河越太伯鄉過大橋南入于蠡湖

潭塘河在梅里鄉鴨城河之旁注而北者至宅仁鄉為劉家河貫興塘港與新河接

新河在宅仁鄉南自尤村渡至江陰界河面雖闊底大
淺水常涸惟通小舟春夏水漲巨艦始通故老相傳云
建炎間大金太子南征被困一夕開此河通大江而去
故名曰新河河上有馮梓二堰今廢

斷塘河在上福鄉太平橋河之別脈至延祥鄉而貫于
濠橋河

橫塘河在上福鄉信義瀆之旁注于北者漸流引東貫
走馬塘為芙蓉塘河至懷仁鄉為盛塘河而入于常熟

界

羊尖河鯉河俱盛塘河之別脈顧市河亦包堰河之別脈皆東會于羊尖河而入常熟界

蠡湖在州東南五十五里與平江長洲縣分界即今太伯鄉之漕湖也郡志云蠡湖在縣東南五十五里與蘇州吳縣分界寰宇記云范蠡伐吳開造蠡瀆通此湖故號曰蠡湖唐書地理志云元和八年孟簡開泰伯瀆併導蠡湖自後太伯瀆謂之孟瀆蠡湖謂之孟湖按今漕

湖在太伯鄉當州之東南去州五十餘里東西十二里
南北六里其地率皆占長洲之境邊湖之旁僅得一二
里為無錫之界湖水汧流而西與太伯瀆接貫景雲垂
慶梅里太伯四鄉而出于運河至今梅里太伯界口有
河名蠡尖口距湖三十里平江城東餘門數里外亦有
蠡口去湖十餘里今謂之漕湖實古之蠡湖也而郡志
謂與蘇州吳縣分界者蓋唐以前未縣長洲其地皆吳
縣之境而隸于蘇至唐始分置長洲縣故後人襲舊之

文不變其實然謂之漕湖則不知自何代始其湖之浸皆長洲之利無錫獨得其一區耳

濠湖在州東七十里東西四里南北三里即今延祥鄉之鵝脫蕩也謂之鵝脫者取其形之肖俗呼之耳亦云河湖語訛故也自湖向東稀墩與長洲縣界接稀墩向北三十里至苑山經湖中心與平江常熟州分界西南達於蠡湖

無錫縣志卷二